

名媛詩餘四卷
下

蘇州吳梅

字桂安別號霜厓

藏書

1880

1900

本朝名媛詩餘目錄

卷三

張學雅一首 生查子

張學典一首 蘇幕遮

梁善娘二首 西地錦 蝶戀花

龍輔一首 南歌子

邵蓮史一首 長相思

張小蓮一首 雨中花

馬福娥一首浣溪紗

周禧一首醉花陰

丁瑜二首桃源憶故人虞美人

林綠一首憶王孫

許飛雲二首謁金門醉花陰

吳貞閨一首臨江仙

吳靜閨一首謁金門

蘓清月一首長相思

儲氏一首浣溪紗

黃蓼鴻一首點江唇

王虞鳳二首賀聖朝

葉氏一首生查子踏莎行

成都女郎一首鷓鴣天

宋瑛一首賣花聲

顧道喜一首蝶戀花

孟湛一首玉樓春

黃御袍一首 點江唇

梁玉姬一首 小花子

杭錦一首 鷓鴣天

葛宜一首 轉應曲

張芸二首 桃源憶故人

葉榜一首 阮郎歸

謝季蘭一首 醉花陰

錢宛鸞一首 浪淘沙

萬淑修一首 南柯子

張瑛二首 秦樓月 醉春風

戴淑貞一首 生香子

柳人月一首 秦樓月

胡蓮一首 蝶戀花

孫瑤英一首 玉梅春

沈榛二首 搗練子 減字木蘭花

郭瑋一首 思帝鄉

王 璋一首 漁家傲

沈樹榮一首 臨江仙

龔靜照一首 卜筮子

趙 昭一首 浣溪沙

黃 荃一首 瑤華

陳 契二首 菩薩蠻

吳九思一首 漁家傲

金 莊一首 玉樓春

沈 珮二首 點絳脣 卜筮子

張道介一首 浣溪沙

許心榛二首 浪淘沙 叙頭歌

林瑛佩一首 惜名飛

題良鄉琉璃館壁 并序

長沙女子王素音 治初人

愁中得夢失長途 女伴相携聽鷓鴣 却是數

聲吹去角 醒來依旧酒家胡

朝來馬上淚沾巾 薄命輕如一縷塵 青塚莫生

殊域恨明妃猶是為和親

多慧多魔欲問天此身已判入黃泉可憐魂魄無

歸處應向枝頭化杜鵑

妾生長江南推顏冀北豺狼當道強從義帳偷
生烏鼠同居何帝將軍負腹悲難自遣事已如
斯因夜夢之迷離寄朝吟之哀怨嗟乎高樓墜
紅粉自慚石崇院內之姝七首耀青霜當誓作石木帳中
之婦天下好事君子其有見而憐予乎許冀候可沙叱利終
須漸頭陷胸崑崙客重生紅袖妓不雜衝奮壁是所願也
敢薄世上少奇男竊塗圖之應有快心憐弱質

本朝名媛詩餘

梅社顧嘉容伊彥

同訂

蓮溪金壽人受籤

張學雅

字古什山西太原人張佚女隨

父流寓蘓州許配金壇于給事

中泚年二十二未嫁而卒

生查子 夜深

試問燭無情。何事頻添淚。清夜正迢迢。綠
焰煎心碎。繡帳冷薰篝。香膩鴛鴦被。懶
卸玉搔頭。一束和衣睡。

張學典

字古政張佚第四女適吳門解

元楊維斗先生子易亭

藕幕遮 詠秋海棠和外

嫩舒紅。輕剪翠。拂拭新粧。一種天然媚。淺

暈胭脂凝宿醉。力怯憑欄。香夢初驚起。
映殘霞籠曉霧。嬌態含情。欲語還羞吐。自
是月中丹桂侶。一夜金風吹向瑤階貯。

梁善娘

廣東番禺人梁真祐女

西地錦

綠試朝煙新柳。紅添宿雨含桃。桃柳樹下
春風急。一枝獨笑妖嬈。

蝶戀花 本意

蝶為花忙。花怨蝶。故趁春陰。亂落如紅雪。
和蝶和花飛不歇。教人錯怪東風劣。細
雨終催寒食節。誰料寒多。半路將春截。夢
破酒醒聞百舌。畫屏飛去羅浮月。

龍輔

字佐君。望江人。蘭陵守元度公
之後也。

南歌子

綠沁琉璃帶。紅搖玳瑁釵。下階無語立蒼
苔。昨夜銀塘雨。洗露蕊開。迴臉遮星靨。
恨人膩粉腮。真珠簾捲有誰來。兩兩舊巢
宮燕掠泥回。

邵蓮史

閩中三山人

長相思 別妹

風聲愁。雨聲愁。風雨淒迷欲放舟。行行更
少留。路悠悠。思悠悠。從此雲山漫轉眸。
相思日似秋。

張小蓮

字西陂吳縣人

雨中花

聞說海棠開盡了。怎生得夜來一笑。嫩綠
枝頭。落紅陣裏。問有知多少。小院閉門

春悄。禁不得瘦腰如嬾。豈蕊濃時。荼蘼香
處。試把菱花照。

馬福娥

字蘭齋平湖人。適嘉興沈宏畧

浣溪紗 此上答宏畧

臘盡寒消煖欲回。簾前重見早梅開。無人
知我倚妝臺。香墨尚留牆上蹟。新釵猶
墮砌間苔。白雲飛去更飛來。

周禧

自稱江上女子江陰人

醉花陰

菊

形影翩翩塵俗掃。一任西風老。逸韻自凝
妝。月落籬邊。夜夜酬詩草。百般鬪色天
工巧。結伴寒霜曉。三徑未荒蕪。醉倒淵明
不覺乾坤小。

丁瑜

字靜嫺長興人太學少伯公女

柱史臧喟亭夫人

菴源憶故人

閨怨

一輪皎皎清如水。慵把朱顏妄擬。斜掛柳
稍何意。想照征人矣。夢魂昨夜紗窗裏。
記得吳頭楚尾。縱有綢繆雙鯉。更勝青梅
味。

虞美人

憶外

疎籬隱隱迷天曉。簾捲雲山小。數行雁字自南來。却帶相思離恨萬千回。東風一夜添憔悴。滴盡長江淚。癡情日日倚粧臺。只恐夢魂無劇過陽臺。

林綠

字映山莆田人

憶王孫 本意

花陰月色共霏微。澹冶春風拂繡緯。獨倚

畫樓吹玉笛。盼人歸。梅落空堦腸斷時。

許飛雲

字天衣蘓州府人。造吳縣王又

溟

謁金門 花朝

春光好。滿院杏花開了。猶憶數株江畔繞。倚欄眉淡掃。惆悵碧山雲杳。辜負鏡中人老。燕子一雙歸恁早。畫梁昏又曉。

醉花陰 送春

春到天涯誰是主。去更歸何處。負却玉樓人。覓醉花前。滿地飛紅雨。蝶忙蜂亂私
悲語。此後情無與。共你倩啼鶯。喚轉聲聲。幾見東風許。

吳貞閨

字良首吳江人歸曹村金氏

臨江仙 春閨

曉窗怯怯羅衣薄。癡打鸚哥豆落。呼鬟欲
剪雨中花。為甚淚含來。花人情自各。睡
起情絲關不住。織在眉峰一處。非愁非病
為誰來。癡倚玉樓前。忘却收針刺。

吳靜閨

字珮典貞閨之妹歸周氏

謁金門 春思

春心老。懶向花衙去考。工夫一半愁中了。

睡情殊草草。烏泣春歸咽早。春去如何去討。啼音說與鏡中人。打起相思藁。

蘓清月

字未考常熟人

長相思 秋興

晚風生。晚烟深。幾樹丹楓點翠屏。鐘聲處處聞。零白露。罨青雲。征雁蕭蕭下遠汀。斜陽照短亭。

儲氏

泰川文懿公瓘之女歸興化孝

廉成學

浣溪紗 暮春

紫燕雙雙遶畫梁。重重朱戶鎖斜陽。深閨獨坐繡鴛鴦。芳草盈階侵砌綠。落花滿院隔簾香。小園寂寞日偏長。

黃蓼鴻

字節棲江陰人太學東方初旦

室

點絳脣 戲六姑春睡

繡帳風開見牙牀有人如雪。鮫鮪半覆。纖
手持蕉葉。碧玉花簪斜墜珊瑚側。春光
溢。睡情方熟。夢入巫山月。

王虞鳳

字儀卿莆田人

賀聖朝

彩線拋殘金剪慵。綠鬟鬆。些些香唾濕殘
絨。小牕中。阿母拾花翻繡架。臉霞紅。低
垂鳳頸剔春蔥。意惺忪。

生查子 懷姊

憶昔別離時。欲想心先痛。獨自擁寒衾。一
夜難成夢。只見碧紗牕。竹影頻移動。殘
月冷花梢。幽恨和伊共。

葉氏

吳縣東洞庭人

踏莎行閨情

片片花飛。子規啼血。一番心事和誰說。參
差綠樹弄瑤塔。呢喃紫燕調輕舌。蝶亂
蜂忙。愁腸轉結。日長人倦茶烟歇。開簾翹
首問歸鴻。何如忘却瀟湘月。

成都女郎

姓字未考亂時避兵他處夫以

遠賈為活作此詞送之

鷓鴣天送夫

三春落魄苦經營。月月縫衣送遠行。一雁
忽分隨夢斷。雙篙架綠趁潮生。嗟別去。
重叮嚀。臨歧無語獨含情。山遠水遙音早
至。相思萬疊暮烟橫。

宋瑛

字淑真溧陽人進士史虞賡室

賣花聲 春暮寄外

日日怕春歸。不展雙眉。柳條無計繫斜暉。
又是落花時候也。腸斷天涯。綉戶閉簾
衣。兀坐樓西。無情燈慣把人欺。夜夜虛開
花一穗。賺我歸期。

顧道善

字靜簾吳江人萬曆壬辰進士

顧自植女

蝶戀花 閨情

日射紗窻花影透。滿鏡春山。雪面粉成候。
立徧蒼苔尋草鬪。鸞鉞鳳線拋殘繡。拜
佛朝持般若呪。脉脉含情。徙倚消長晝。聞
道知愁還未久。去年學得吹簫後。

孟湛

字冰壺長洲人歸詩人錢十青

玉樓春 閨情

空閨日夜和塵閉。即馬何時門外繫。愁中
眉讓遠山長。病裏腰添弱水細。如烟一
種津頭樹。可喜誰知。還可怒。榆錢難買少
年回。柳線能牽幽夢去。

黃御袍

字晚香新昌人錢十青繼室

點絳唇 秋夜憶夫子客淮安

月淡燈昏。自家將息除非睡。漏聲花裏不
斷如清淚。羅帳風寒。夢覺人千里。披帷
起。長空露洗。畫閣還孤倚。

梁玉姬

字小玉錢塘人

山花子 暮登湖樓

閣對青山戶。遠溪數株衰柳晚霞栖。返照
碧波光瀲灩。映朱扉。遠樹鐘聲風暗送。

隔林茅屋暮烟迷。何處玉人猶弄笛。畫樓西。

杭錦

字七襄吳縣人處士杭正言女

早天

鷓鴣天 曉粧

瞳瞳曉色映窓紗。臉暈紅綃髻縮鴉。侍女笑催臨鏡去。夜來養得一枝花。沉水細。

遠山斜。白玉搔頭學內家。小院粧成無箇事。碧梧深處煮新茶。

葛宜 字南有海寧人遠日觀山人

轉應曲 和日觀并寄

歸燕歸燕。飛到畫梁深院。肯寄相思玉人。楊柳依依望春。春望春望。杜宇聲聲江上。

張芸

崑山人諸生吉如公女適葉虞

部四子寧州都閩道子公

菴源憶故人

南池濟寧城外唐時杜工部與賀監偕和處

柳絲搖曳東風裊。檻外鶯兒聲巧。滿地落紅多少。離恨連天杳。一泓春水滌迴繞。斷碣殘碑堪表。遙寄芳名春草。春色催人惱。

葉榜

吳江人都閩道子葉公女

阮郎歸

游任城清華洞

恍入仙源小有天。琪花瑶草鮮。籃輿團扇翠花鈿。輕風拂鬢邊。穿仄徑。上雲巖。長空鎖暮烟。丹藥灶。紫芝田。千秋軼事傳。

謝季蘭

字湘沚寧都詩人魏叔子室

醉花陰

夏日

薰風淡蕩吹羅袖。槐柳新蟬驟。池內小荷

秀實軒

翻。何處簫聲吹徹梅花透。如今景物還
依舊。茉莉花開後。不坐已愁人。可恠黃鸝
叫得垂楊瘦。

錢宛鸞

字翔青吳縣人

浪淘沙

好夢幾番驚。花又凋零。東風難記許多情。
病雨傷春忙過了。一事無成。空對晚山

青。眉影分明。却教私語向銀屏。燕子飛來
人不見。徙倚空亭。

萬淑修

字宜洲雲間閨秀

南柯子 病中懷親

不必愁生死。關山隔故鄉。樓頭吳橘又初
黃。正是暮秋時候。過重陽。日落迷芳草。
庭深怯曉霜。病懷無計苦參商。又見一行

征雁斷人腸。

張瑛

字玉英泰州人

秦樓月

月下聞隣女吹簫

簫聲鬧。多情。人奏傷情調。傷情調。風前月下。有愁誰告。吹落梅花春欲老。人間應是知音少。知音少。此情惟有嫦娥知道。

醉春風 題扇頭美人

孰把輕紈扇。繪出青娥面。娉婷嫵娜向花前。倩倩倩。一分水墨。十分摩揣。三分妖艷。有人容可羨。昔日曾窺見。記得情嬌態更妍。念念念。是誰家女。是誰家畫。誰家院。

戴淑貞

吳縣人文學殷季修室

生查子 送春

去年相送時。渡口楊花撲。今日曲江頭。淚

添江水綠。屈指春又來。花開白如玉。不見去年人。花亦羞儂獨。

柳人月

憶秦姝伴月吳縣人

秦樓月題二分明月女子像

啼鴉歇。落紅吹滿揚州月。揚州月。丁香一寸。雨中愁結。謝娘柳絮飛如雪。空梁燕子休頻說。休頻說。佳人薄命。西風殘葉。

胡蓮

字茂生天台人

蝶戀花

憶昔相逢銀燭底。細語難傳。彈入瑤琴裏。隔坐相邀歡未幾。登樓相望情何已。腸斷當時書一紙。兩字鴛鴦。抹却除非死。瘦減羅衣都為此。秋風吹落梧桐子。

孫瑤英

字孟芝錢塘人

玉樓春 閨情

氤氳綠篆浮香鴨。睡起午窓開鏡匣。纖纖素手整雲鬟。銀粉淡消紅映頰。雙峰鎖翠眉愁壓。拈得金針還倒捻。東風腸斷少人知。慵看花間飛蛺蝶。

沈榛

字端孟嘉善人南昌司理玉虬

公女

搗練子 客中

花破萼。柳垂絲。客夢驚回獨語時。聽徹子規腸欲斷。故園頻望數歸期。

減字木蘭花 楊花

芳蹤何處撩亂隨風還怯雨。輕拂雕鞍。回首長亭帶雪看。飄飄難住。落盡已知春色暮。幾度粧臺。簾捲蝦鬚逐燕來。

郭璠

字璠汝長洲人適同邑顧氏

思帝鄉 有懷

紅燭冷。玉釵留。燭冷釵留。人去恨悠悠。捐
得一分憔悴一分秋。試問眉間心上幾多
愁。

王璋

字季璞錢塘處士王佑賢女適

仁和庠生孫孝楨

漁家傲

依舊年時花發路。高樓無復伊人住。幾曲
簫聲吹不去。回首處。那堪又是黃昏雨。
柳暉鶯嬌千萬樹。游絲粉蝶紛無數。燕子
喃喃還又語。春已暮。劉郎底事尋前度。

沈樹榮

字素嘉吳江人葉蕙綢女

本草名媛言餘

秀實軒

臨江仙 病起

草草粧臺梳裹了。曲欄干外凝眸。年光荏苒又深秋。一番風似剪。兩度月如鉤。病裏高堂頻囑道。而今莫更多愁。當時檢點也應休。重新來眼底。依舊上眉頭。

龔靜照

字冰輪無錫中翰龔佩潛女適同邑陳生

卜筭子 春歸值雨

風片雨絲絲。暗送韶光別。不解芳菲去不回。杜宇啼聲切。淚眼問花時。不使腸兒熱。自入春來日日愁。春去愁仍結。

趙昭

字子惠長洲人寒山高士趙凡夫女

浣溪沙 紅槿花

本明名媛詩餘

三卷 二十

歌側牆東隱士家。時將孤艷鬪輕霞。可憐
迎送夕陽斜。曾憶明皇親度曲。偏將研
帽久簪花。那堪零落綠苔遮。

黃筌

字逸佩太倉人

瑶華

咏並頭蓮

日分蒂影。風合花香。記雙栖無力。臨波微
步。最羨是。婀娜一般傾國。玉容相對。任兩
兩苦心同識。試叮嚀。水佩風裳。休教共爭
顏色。還是舊日深宮。笑並浴溫泉。露薇
堪惜。冷香飛處。料不似銅雀。二喬游歷。西
風來也。怕吹動。碎雲狼籍。誰耐見。花底鴛
鴦也。學並頭溪側。

陳契

字無垢通州人大司馬大科孫

女

菩薩蠻

蘭膏收拾芙蓉匣。杏腮紅雨春纖雪。羞縮
合歡裳。偎郎抱玉軀。香微烟穗滅。漏促
瓊籤徹。殘夢正迷離。寒雞背月啼。

前調

今生浪擬來生約。從今悔却從前錯。腰帶
細如絲。思君君不知。五更風又雨。兩地
儂和汝。着意待新歡。莫如儂一般。

吳九思

字栢隱嘉興人歸平湖陸郎

漁家傲

惱殺風姨不做美。名園剪亂胭脂碎。牕外
殘紅飛滿地。都憔悴。紛紛盡向風前墜。
蜂狂蝶翅相從隊。鶯聲燕語偏嬌媚。二十
四番花信至。君須記。吹開吹謝真無謂。

金莊

本草人如言食

秀實軒

字子嚴上元人

玉樓春 春曉

早鳥啼起銀蟾落。錦帳春寒春意薄。天涯
路遠幾曾經。莫恠夢中常是錯。起來小
婢催梳掠。拈着青絲心緒惡。無情鏡子不
憐人。暗把紅顏都換却。

沈珮

字飛霞桐鄉人石門吳青壇侍

御媳太學起代室

點絳脣 寒食

柳外鶯啼。簾垂滿地梨花碎。東風無賴。吹
得人憔悴。村舍烟稀。草色青青路。尋芳
去。子規聲沸。却被愁牽住。

卜筭子 元夜

臺館遍笙歌。又是黃昏後。寂寂梅花小院
開。報道春依舊。夢斷月初斜。素影清如

本月初五日庚子

三卷 三五

畫。光景年年一樣新。且放眉間皺。

張道介

字椒岑長洲人太學顧筠千室

浣溪紗

開遍荼蘼一院香。困人天氣日初長。池塘
深淺浴鴛鴦。襖帖午臨歌枕倦。玉琴晚
奏短襟涼。登樓惆悵又斜陽。

許心榛

字阿秦一字山有吳江人許竹

隱先生長女

浪淘沙

層樓觀雪

六出繞庭中。野外雲同。斜斜整整舞長空。
笑指青山頭白了。似雨非風。歸鶴失行
蹤。縞袂相逢。梁園授簡奪天工。誰共梅花
蕭索也。人在樓東。

釵頭鳳 題漁郎再訪花源

峰峰亂。村村斷。一灣流水桃花岸。春時雀。
秦時藥。垂髻黃髮。別來忘却。昨昨昨。漁
舟舊。漁郎瘦。叮嚀仍向人前漏。山川錯。僊
凡各緣谿再訪。烟橫雲薄。莫莫莫。

林瑛佩

字懸黎莆田人林西仲女適鄭

生官五

惜分飛送杜若妹于歸入京

綠柳垂條千萬縷。又見落梅如雨。送爾于
歸去。一般淡點何愁緒。不恨當前留不
住。但惱重逢無據。此後相思處。燕雲萬里
迢迢路

憶秦娥 咏雪

真奇絕。仙娥剪下瓊花葉。瓊花葉。曉山疑絮
暮山疑月。依、偏向梅邊歇。輕、還上釵頭
貼。釵頭貼。最憐纖手掃烹時節。

本朝名媛詩餘目錄

卷四

顧 諤一首 菩薩蠻

顧 蕙一首 菩薩蠻

姚倩奴一首 點絳脣

查 清三首 採桑子 杏花天 晴香

劉雲瓊一首 如夢令

葉弘緝一首 秋蕊香

本朝名媛詩餘 四卷目一

張宗孟一首 謝池春

謝家璧一首 落燈風

李素一首 減字木蘭花

許冰玉二首 水君怨 誤佳期

許華存一首 點江唇 虞美人

顧長任一首 秦樓月

顧妣一首 浪淘沙

李玉照一首 漁歌子

項蘭貞二首 南唐浣溪沙 梅花引

浦映淥一首 陽關引

鼓淑一首 十六番

胡玉鶯一首 菩薩蠻

姚鳳翮二首 醉相思 風中柳

毛媿一首 醜奴兒令

商景徽一首 江城子

王媚珠一首 踏莎行

本朝名媛詩餘

秀實軒

李 眺二首 採桑子 醉後愧

鍾 筠一首 南歌子

徐元端二首 重疊金 鳳凰閣

謝 瑛一首 蝶戀花

陳 氏一首 若葉杯

唐 榛一首 清平樂

附訂雲隊花叢

柳 是一首 垂柳名楊

張麗人一首 減字木蘭花

顧 媚一首 花深淺

郝湘城一首

秦 曇一首 醉享

尼靜照一首 江城子

晁四娘一首 謁金門

戴陵濤一首 虞美人

吉 珠一首 減字木蘭花

本朝名媛詩餘 四卷 目三

本朝名女詩餘

秀實軒

朱秦玉一首 釵頭鳳

薛素素一首 醉花陰

桂 姮一首 浪淘沙

景翩翩一首 賣花聲

王 月一首 小庭花

王賽玉一首 蝶戀花

劉 儂一首 倚聲木蘭花

馮 湘一首 點江唇

方是仙一首 踏莎行

本朝名媛詩餘

秀實軒

本朝名媛詩餘

梅杜顧嘉容伊彦

同訂

蓮溪金壽人受箋

顧諤

字天孫崑山人宗伯錫疇公女

武進董玉虬侍御夫人

菩薩蠻 春思

江南風景春光好。江南愁女他鄉老。柳罨

本朝名媛詩餘

四卷一

本朝名媛詩餘

秀實軒

舊湖堤。行人路轉迷。山花紅映綠。沙鳥
飛相逐。凝佇盼斜暉。浮雲何處歸。

顧蕙

字又蘓。天孫妹歸烏程沈郎

菩薩蠻 征婦怨

誰家月下砧聲動。高樓少婦拈針弄。欲整
舊時衣。知他瘦與肥。金戈迷滿路。夢見
應無據。十載滯關山。閨中綠髻殘。

姚倩奴

自號冷艷樓主人

點絳脣 春閨

粉綻梅梢。落燈時節風微暖。春衫慵剪。早
約尋春伴。轉眼韶華已綠垂楊線。情難
遣。東君情短。人比前春嬾。

查清

字太清。青陽人。河內刺史劉靜

本朝名媛詩餘

四卷 二

寰夫人

採桑子 答葦堅步原韻

心情千里憑魚雁。渭樹江雲。一望昏昏。不見江南錦繡春。嘗餐是滑尊羹美。今始思尊。恨昔逡巡。曾訪溪邊黃葉門。

杏花天 杏花

甚花偷得春風巧。勻粉薄。凝脂猶少。梅花冷淡桃花俏。多被此花占了。蜂蝶採花

容自惱。烟雨潤花容自好。花外酒旗搖颺。早。應有醉花人到。

暗香 落梅

疊疊玉屑。第一番風信吹來輕劣。喚起新粧鏡裏纖英。正宜貼亂點叢蘭石畔。恍疑是尋芳蝴蝶。恁叨嘈翠羽。枝頭叫落黃昏月。嗚咽笛聲徹。惹古驛荒村。夢魂淒絕。膽瓶凍冽。揉碎寒姿可禁折。寄語天邊滕

六。把撇下餘香休滅。使片片猶戀在畫裙百褶。

劉雲瓊

字靜媚山西臨縣人

如梦令

山樹重重鴉裏。石竇微微雲躲。細雨濕蓬窓。紅洗秋棠半朶。螢火螢火。飛去飛來伴我。

葉弘緗

字書城崑山人進士葉弘綬姊

秋藥香 北園看桂

臺榭亭池深館。梅竹柳槐蒼蘚。金風玉露吹多變。變作廣寒宮殿。何須月落天香滿。凭欄看。叢叢綠綺浮銀漢。黃了秋山一半。

張宗孟

字希光吳縣人

謝池春

一入春來。添却許多煩惱。甚心情。花花草草。小鬟無賴。向碧空低告。蠢征鴻。幾曾知道。姊妹誰家。隔院依然歡笑。那管人夢離魂杳。縈懷牽恨。底事東風早。日遲遲。燕嬌鶯老。

謝家璧

字連城上元人歙縣上舍金潛五之妻也

落燈風 夏閨

夜靜天炎冰簟卧。殘妝理罷迎風坐。消受有荷香。更雨兩兩流螢飛過。一點紅燈火。貪涼反惹心無那。空看着月來雲破。嘆事。事倥傯。惟擁着書兒。千部。花嶼吟殘我。

李素

字冰心懷慶人。造常熟文學許

偉人

減字木蘭花 月夜

黃昏過了。一天月色多清皎。倚着圍屏。寂
寂。抵殘半夜燈。簾鉤風拍。叮嚀。驀地人
驚嚇。月轉西廊。瘦影分開再不雙。

許冰玉

字潔人李素長女

昭君怨 離別

十里寒沙露骨。一片夕陽無色。魂夢總相
關。別離難。愁過板橋愁定。瘦到秋山瘦
盡。他日雁歸時。寄封書。

誤佳期

不盡今朝螺黛重。綰舊時鸞帶。許多心事
要商量。沒箇人兒在。新月最關情。向月
深深拜。東風因甚促春歸。暗裏將人害。

許華存

字小魏李素次女

點絳唇 人影

分得儂身。雙雙隱約依花榭。燈光寒瀉。倒
睡紗窻下。看去微茫。好是離魂也。端詳

罷。非真非假。難把芳容畫。

虞美人 題便面丁香花

此花開在櫻桃後。小比凝脂口。紫衣妬殺

杏衫紅。說道生來半面背東風。丁香本

是同心結。多少青青葉。欲從花底訴花知。

我怕暮春三月送春時。

顧長任

字重楣錢塘人青浦少尹顧籥

雲女適同邑林寅三

秦樓月 寒夜

風力驟。玉樓錦幌寒初透。寒初透。博山烟

冷夜闌時候。湘簾月影搖哀柳。頻聞斷續冰壺漏。冰壺漏。一聲聲滴。令人慵繡。

顧姒

字故姬重楣妹歸同邑鄂曾字

幼輿

浪淘沙

憶夫子京師

生怕對銀缸。月落黃昏。遠鐘搖斷九迴腸。除是日高眠未起。夢到伊行。古渡半斜

陽。楓冷蘋香。數聲柔櫓泛孤航。遙望帝城還不見。依舊錢塘。

李玉照

會稽人吳江沈君庸繼室

漁歌子

秋思縈懷懶賦詩。黃昏深院月來遲。人靜處。漏殘時。一片幽情祇自知。

項蘭貞

秀實軒

字孟晚嘉興人秀水黃卯錫孝

廉室

南唐浣溪紗 小春

淅淅寒風撼玉鈎。起來斜日照紅樓。簾外
一聲鸚鵡喚。喚梳頭。花發小春情脉脉。
笛吹長夜恨悠悠。多少淚珠彈不斷。倩誰
收。

梅花引 秋閨

晚雲攢。晚風寒。葉落霜飛籬菊殘。不堪看。
不堪看。儂瘦似花倚欄。誰箇憐。哀蛩泣
遍衰楊岸。哀鴻叫遍疎桐院。恨漫漫。恨漫
漫。明月又圓。那人何日還。

浦映淥

字湘青無錫人昆陵黃雲孫中

翰室

陽關引 江村夕望

秀實軒

四望寒烟結。黯淡秋容越。孤舟短棹人來往。心凄切。念故鄉生處。却是雲山接。奈多愁。又隔雲山第幾折。水漾明霞影。鳥啼徹。最關情事。天邊雁。樓頭月。只斜陽樹樹。與當年無別。試臨風回首。空見江流咽。

彭淑

字又徐華亭人。孝廉。又燕妹歸。

沈友聖

十八香

一枕華胥。天涯有夢何人見。綠雲盈篔簹。月影花如霰。底事而今。不比當時慣。偷回面。淚痕如線。訴與雙雙燕。

胡玉鶯

武康人歸吳氏

菩薩蠻

賦得願在髮而為澤和瀟湘居士

春風料峭孤幃冷。鬱金油膩鴛鴦枕。慵整

本朝名媛詩餘

秀實軒

綠鬟偏。鸚哥喚檻前。朝來新沐溜。懶學
宮粧鬪。隨意插花枝。芬芳只自知。

姚鳳翽

字季羽桐城人

酷相思 閨情

清夜寒蛩吟草樹。秋雨纏綿徹曙。恨驚回
好夢無尋處。偏迷却。即來路。不迷却。愁來
路。欲寄相思千萬縷。好倩賓鴻住。把淚

磨殘墨。題新句。書去也。神隨去。神去也。愁
難去。

風中柳 和韻

時序關心。聞說春來偏惱。恨萋萋。侵階芳
草。癡情無那。把飛鴻私告。繫紅箋。報君知
道。羞對菱花。瘦影堪憐。堪笑不成眠。相
思夢杳。臨歧曾訂。聚首庭梅早。百花殘。又
看春老。

毛媿

字安芳錢塘人詞伯毛稚黃女
徐子華徵室

醜奴兒令 春閨

不知春色今如許。亂殺啼鶯。酥雨濃晴。芳
草茸茸隔夜生。瑣牕深處無人見。別是
幽清。此際心情。翻恠葵花照眼明。

商景徽

字嗣音山陰人

江城子 懷黃皆令

孤舟一葉去林臯。雨瀟瀟。滴芭蕉。猶記樓
頭楊柳萬絲飄。寫就行行離別意。總付與
浙江潮。一燈明滅篆烟銷。度長宵。恁無
聊。羨殺當時。月夕共花朝。轉憶停砧頻絮
語。空目斷。路迢遙。

王媚珠

才真名女言餘

秀實軒

字玉淵長洲人許天衣女

踏莎行春暮與家慈夜話

燕蹴鶯翩。輕陰細雨。高樓長笛人何處。北堂今夜玉人歸。濤箋幾幅留羅綺。班管雙揮。瑤琴同理。春光幾日將歸矣。捲簾陣陣柳花飛。雨絲風片歌聲裏。

李眺

字冰影華亭人

採桑子

相思恰似堦前雨。有落無收。有落無收。萬萬千千滴不休。相思不似堦前雨。落下還留。落下還留。到地須知到盡頭。

醉落魄家落後贈夫子

沈郎多病。青衫破帽。渾相稱。長把酒杯呼不醒。散盡黃金。人面依然冷。小庭細雨浮雲暝。落花風起紅無定。豪華閱盡人間

勝直到如今。贏得人間恨。

鍾筠

字蕢若仁。和人忠惠公孫女仲

雪亭室

南歌子

寄七姊查夫人

翠鈿同時換。冰絃對月調。蛾眉猶憶一般描。腸斷離人風雨聽吹簫。寂寞愁春晝。殷勤記昨宵。休將短棹送春潮。何日重來

研露共題蕉。

徐元端

字延香。江都詞伯坦菴公女

重疊金

睡鸚鵡

雪衣巧舌花棚外。修翎立向斜陽晒。半晌不聞言。驚尋到翠軒。笑聲嗔小婢。不要驚他睡。風响綠牕紗。醒來抖落花。

鳳凰閣

秋晚苦雨

看西風吹起。滿庭碎葉。閉朱戶。獨坐還怯。
牕外芭蕉點點。做盡淒切。禁不住芳心欲
折。殘燈挑盡。隱隱半明半滅。羅衾祇借
香溫熱。今夜裏。這愁腸勝似離別。寬褪了
裙兒幾摺。

謝瑛

字玉英。武進人。東平刺史徐可
先夫人。

蝶戀花

園丁報道生芝草。綾襪新裁。緩步蒼苔蚤。
弱女凝粧欄外遶。依依小子携書考。白
鶴巢松聲韻好。桂子紛紛。竹影將堦掃。貪
睡鴛鴦驚又覺。佳辰莫惜金樽倒。

陳氏

華亭徵君眉公姪女

荷葉杯

不料檀郎欲去。私期願作燕雙飛。他生與爾盡梁栖。癡麼癡。癡麼癡。

唐榛

字玉亭四川夔州人吳江令鑄萬公文歸宜興周書占

清平樂

江南三月好雨知時節。一夜小樓聽不歇。飛花李花俱發。重樓山外青山。春光多

在珠灣。試問清風明月。何曾拘管人間。

附訂 雲隊花叢

柳是

字如是嘉興人本桃葉女子後歸虞山錢牧齋宗伯稱河東夫人鼎革後數年虞山謝世為族子所逼河東倚棺悲悼投繯殉節

垂楊碧

空回首。筠管搗箋依舊。裂却紫簫愁最陡。
顛倒鸞釵久。羨殺枝頭萱蔻。悶殺風前
楊柳。一夜金溝催葉走。細腰空自守。

張麗人

母吳倡也。以能歌轉買入粵生
麗人

減字木蘭花

盈盈淚眼。往日青樓天樣遠。秋月春花。輸
與尋常姊妹家。水村山驛。日暮行雲無
氣力。錦字偷裁。立盡西風雁不來。

顧媚

字眉生。上元妓。歸合肥龔芝麓

尚書

花深深

閨怨

花飄零。簾前暮雨風聲聲。風聲聲。不知儂

本朝名媛詩歸

秀實軒

恨強要儂聽。粧臺獨坐傷離情。愁客夜
夜羞銀燈。羞銀燈。腰肢瘦損影亦伶仃。

秦曇

字曇雲無錫人中丞卞公側室

醉公子

香囊垂繡鳳。是妾兒時弄。微物何足珍。憐
他伴妾身。紅綿著在裏。扣上同心縷。一
縷一相思。數來千萬絲。

尼靜照

宛平曹氏女初入掖庭至鼎革

後祝髮為尼

江城子

卸却蟬釵。躡翠鬟。戴黃冠。拜蕉團。一卷黃
庭長跪叩香龕。願作瑤臺雙桂樹。朝集鳳
暮棲鸞。

晁四娘

本朝名媛詩歸

四卷十六

河內人李闖賊妾通翰墨善宮
商每於軍中彈琵琶娛賊戒其
殺戮

謁金門

嗟命薄。馬上烏雲羞掠。細認鞋尖腰帶削。
始信從軍惡。不道六么催拍。低唱淺斟
毳幕。小綠猩紅隨處落。此身輕又弱。

戴陵濤

字文淑揚州人吳縣蔣曠生妾

虞美人

千林落葉千峰曉。颯颯秋風早。隔山何處
逗鐘聲。回首蒼茫雲樹接歸程。寒鴉古
木深秋後。楓葉霜初透。停車晚步望山頭。
又是一行征雁過秦樓。

吉珠

字夜光山西平陽人

減字木蘭花

閏六月初七

遙情兩兩。盼到而今猶悵望。如此良宵。烏鵲南飛不駕橋。金風玉露。辜負盈盈河漢女。迢遞佳期。恐是仙家好別離。

朱秦玉

字無瑕。桃葉渡邊女子。

釵頭鳳

尋繡鞋

雙雙繫。深深貯。尋時不見還驚異。人如暈。

從思忖。打箇丫鬟。是誰偷遁。問問問。愁難已。翻花底。牡丹亭畔長春砌。回眸瞬。忙來認。錦帶猶存。鳳頭紅褪。恨恨恨。

薛素素

吳郡人名妓

醉花陰

姊妹相攜來鬪草。賭罷欺儂小。偷看合歡書。豈料儂知。欲向人前道。頻搔粉頰含

糊笑。低首羞還忙。私許贈鮫鮓。再四叮嚀。休向人前告。

桂姮

字月仙西湖名妓

浪淘沙 思家

洒淚卜金錢。夕象移遷。荷筒折斷藕絲連。夢裏還家愁裏語。總是虛占。時事苦迭。遭一別經一。堂萱草望懸懸。雲樹參差

山水遠。魚雁難傳。

景翩翩

字三昧建昌名妓

賣花聲 花窓夜坐

獨坐夜如年。怕理冰絃。徘徊今夜不成眠。細細蛩吟窓外雨。無限凄然。愁緒鎖眉尖。懶對書篇。夜深那管幾更天。几上金爐香欲燼。還去重添。

王月

字微波四川名妓

小庭花即浣溪沙又名花子

何處逢春不可憐。板橋柳色覆晴川。鶯啼
新水滿塘烟。舞蝶盡隨歌扇下。落花徧
逐舞裙前。樓臺燈火一更天。

王賽玉

字儒卿小字玉兒色藝雙絕後

從蔣太孛戾而不文竟悒鬱以
死

蝶戀花

庭院沉沉深幾許。寂寂香閨。只見春來住。
惹亂春愁千萬緒。簾前陣陣催花雨。薄
倖輕將歸信誤。倚遍欄杆。沒箇安排處。掩
着紗窓聊睡去。夢魂只記臨行。

劉儂

字藻珠金陵妓

偷聲木蘭花

自從寫出君模樣。暮暮朝朝擎掌上。韻在
眉梢。停筆將他細細描。當歌恐被風吹去。
飛燕當年留不住。樓下儂家。雨後花前好
喫茶。

馮湘

字靜岑崑山人銷金橋妓

點絳脣

岸柳舒青。墻桃着露烟如織。香消南國。使
我無顏色。玉笛聲飛梅落空相憶。知時
節。杏衫初試。陡覺腰兒窄。

方是仙

字澹然吳興名妓

踏莎行

玉臂完環。紗衫煖鈕。綉床針線無心久。豹

秀實軒


頭枕冷麝蘭輕。蝦鬚簾靜塵埃厚。

紫燕

風前。黃梅雨後柳條亂。拂長江口。但言幕

罷。柳如烟。誰知搖曳愁如柳。





獻書人吳

良士
音音

捐贈